

當歸 黃芪炒 麻黃根 牡礪煨 炙甘草
人參 各等分水煎服

產後氣脫汗不止小便短少四肢難以屈伸

炙甘草兩一 附子錢五 桂心 白芍兩各一

每服三五錢加姜煮水煎服以効為止

止汗散 牡礪錢五 小麥麩兩八 右為細末

每服三五錢猪油汁調下

人參湯 產後諸虛不足發熱盜汗內熱晡熱等症 人參 當歸 等分為末猪腰子一枚切

片水二鍾糯米半合葱白二根煮取汁八分入藥三錢煎服

當歸六黃湯 治氣血虛熱盜汗不止如不應加

人參 白朮 心血不足加炒酸棗仁


當歸 熟地 黃芪各二錢 生地 黃栢炒

黃芩炒 黃連炒 水煎服

參附湯 治陽氣虛寒自汗惡寒手足逆冷大便

自利或臍腹疼痛吃逆不食或汗多發瘧等症

人參兩一 大附子錢五 作一服加姜煮水煎服



當歸補血湯

治肌熱燥熱目赤面紅煩渴引飲

晝夜不息脉洪大而虛重按全無者

當歸三錢

黃芪兩各一水煎服

芪附湯

治陽氣虛脫惡寒自汗或口噤痰湧四肢逆冷或吐瀉腹痛飲食不入及一切虛寒等症

黃芪兩一附子錢五

作一服加姜枣水煎如不應倍加附子乃得全濟

○汗多變症

產後汗多變症因氣血虧損肉理不密風邪所乘

口噤背強如癰或搖頭馬嘶不時舉發氣息如絕宜速灌小續命湯若汗出兩手拭不及者不治

薛氏曰此因去血過多元氣虧損或外邪相搏以致牙關緊急四肢痙強或陰火內動或腰背反張肢體抽搐若有汗而不惡寒者曰柔痙若無汗而惡寒者曰痙痙由亡血過多筋無所養故傷寒汗下過多及潰瘍而膿血大泄者多患此乃敗症也急以十全大補湯治之如不應急加

大附子多有復甦者

一產婦牙關緊急腰背反張四肢抽搐而自連筋此去血過多元氣虧損陰火熾盛用十全大補加炮姜一劑而甦數劑而安

小續命湯

治副症或脚氣痺弱不能轉舒行步

欹側或口眼喎邪牙關緊急角弓反張

麻黃 桂心 甘草各五錢 防風 白芍炒

白朮炒 人參 川芎 大附子炮 防已洗酒

黃芩炒各 每用五錢水煎入姜汁少許溫服

若自汗為柔痙者去麻黃有熱去附子減桂一半盛冬初春去黃芩

產後口噤腰背反張

產後口噤由血氣虛而風邪乘於手三陽經也蓋手三陽之筋循結于頷得風冷則筋急故致口噤腰背挛急角弓反張者是風邪入於諸陽之經也

薛氏曰若因血氣耗損腠理不密汗出過多而患之者乃虛象也宜固氣血為主佐以本方丹溪

謂產後當大補氣血為先雖有它証以未治之
如惡寒發熱等症乃氣血虛甚之極也宜大劑
參芪歸朮肉桂以培養之如不應急用炮附子
再不應用人參一兩附子二三錢名參附湯倘
猶不應乃藥力未能及也宜多用之

婦人產後不省人事吐涎癱瘓

當歸 荆芥穗 等分三錢水一盞酒少許煎
灌之下即甦倘未應者當改用大補氣血藥
張文仲治前症用白朮四兩以酒濃煎頓服

○產後中風

產後中風或氣血未復風寒所感以致筋掣拘急
口眼歪斜或肢體緩弱入臟則恍惚驚悸郭稽
中云產後強力下床或懼入房或憂怒內傷臟
腑陳無擇曰當以脈辯而治之若努力下床月
內入房憂怒者著此非中風類乃葶勞火邪之
症

薛氏曰若果外邪所屬形氣不足病氣有餘當補
元氣為主稍佐以治病之藥若強力下床月內

入房屬形氣病氣俱不足當繼補元氣多有復
甦者若誤投風藥乃促其危也

治產後身背拘急妄言發熱四肢拘攣不時驚悸

川芎 羌活 羚羊角 酸東仁炒 芍藥炒 各四兩

桑白皮一兩 防風一兩 每服六七錢水煎

治產後中風唇青鼻黑用小續命湯連進三服愈

產後中風煩渴用紅苓子五合 水煎徐之呷之

○產後四肢筋攣

產後中風四肢筋脉攣急乃氣血俱虛或風邪客

於皮膚則頑痺羸之若入於筋脉則四肢攣急
皆由大經空虛風寒乘虛而漸入也

薛氏謂肝屬木而主筋若肝經風熱血燥用加味
逍遙散如不應當用六味丸以補腎水

一產婦筋攣臂軟筋肉掣動此氣血俱虛而自熱
也用十全大補湯而安

一產婦手麻服愈風丹遍身皆麻神思倦怠乃氣
血虛弱以十全大補湯加炮姜數劑漸愈去姜
繼服而安

○產後遍身疼痛

產後遍身疼痛者由氣虛百節開張血流骨節以致肢體沉重不利筋脉引急發熱頭痛宜用五積痛散治之陳無擇云若兼感寒傷食宜用五積散若誤作傷寒發汗則筋脉抽搐手足厥冷則變為瘧當補氣血為主

薛氏曰若以手按而痛益甚是血瘀滯也用四物炮姜紅苓薏仁澤蘭補而散之若按而痛稍緩此是血虛也用四物炮姜人參白朮補而養之

趣痛散

產後骨節疼痛發熱頭重四肢不舉

牛膝

酒炒

甘草

炙

薤白

各一兩

當歸

各半

桂心

白朮

炒

黃芪

炒

獨活

各半

生姜

各半

每用五錢水煎服

五積散

治風寒所傷遍身疼痛脚氣疼痛或寒

熱拘急嘔吐不食等症

當歸

浸白芍 川芎

桔梗

各炒

厚朴

姜炒

乾姜

人參

茯苓

陳皮

白芷

蒼朮

半夏

姜制

肉桂

麻黃

白芷

各五分

蒼朮

入姜

半夏

水煎

肉桂

服

麻黃

炙

甘草

分

入姜

水煎服

○產後腰痛

腎主腰脚產後腰痛者蓋腎為胞胎所繫此因產勞傷腎以致風冷客之若連背脊痛久未已後遇有孕必至損動

薛氏曰若真氣虛而邪乘之者當歸黃芪湯或十全大補為主佐以寄生湯如不應須十全大補加附子

十產婦腰痛腹脹善噫諸藥皆嘔乃脾虛血弱用白朮一味炒黃每劑一兩米泔煎時飲一匙四

劑後漸安服百劑全愈

如神湯即生料五積散加菘仁逐敗血去風濕

產後惡露不盡腰重痛或兩股痛如錐刺宜服菘仁湯若作瘧用五香連翹湯

菘仁湯治產後惡露不盡腹中作痛或流注腿股作痛急用此湯治之如未應多變作瘧須用

五香連翹湯 菘仁去皮 蘇木 生地各半
水煎去足 水蛭炒各十 每服五錢姜

水煎空心熱服以惡露下為度

五香連翹湯 木香 丁香 沉香 射香

升麻 獨活 連翹 木通 桑寄生各二兩

每劑五錢水煎入竹瀝少許服

當歸黃芪湯 治腰痛不可轉側或汗出壯熱氣

短上黃芪炒 白芍藥炒各二兩 當歸三兩

每劑五錢水煎服

○產後腰痛兒枕痛

產後腹痛或因外感內傷瘀血壅滯所致瘀血以朱笑散風寒外感以五積散內傷飲食以養胃

湯加山查治之

產後兒枕痛者乃母胎中宿血也其痛在小腹未抵小腹痛多由惡露凝滯或外寒相搏若久而不散必成血瘕月水因之而不調也

生生子曰設以手按之痛甚者瘀血也按之而痛緩者或喜熱物熨之者此虛中有寒也當補而溫之

○山查濃煎汁入砂糖少許服之極治兒枕痛以其能消瘀血故痛止也

隱居澤蘭湯 產後惡露腹痛或胸滿少氣

澤蘭 生地 當歸 芍藥炒 生姜各一錢

甘草炙五分 大棗四枚 水煎服

失笑散 治心腹痛產後瘀血上攻心腹疼痛而

牙關緊急一服而愈 五靈脂 蒲黃各一錢

醋水煎服五靈脂一味尤妙

大岩密湯 治陽氣虛寒心腹作痛不食四肢厥

冷 生地 當歸 獨活 吳茱萸 炮姜

白芍藥炒 甘草炙 桂心 小草各一兩 細辛半兩

每帖五錢水煎服

延胡索散 產後惡血凝滯臍下作痛或作寒熱

延胡索 桂心各半兩 當歸一兩 為末食前熱酒

調下二錢 失笑散尤佳

當歸養血丸 產後瘀血心腹脹痛或腰脚疼痛

當歸 赤芍 丹皮 延胡索炒各二兩 桂心一兩

為末蜜丸梧子大每服五十九溫酒下

金黃散 治惡露上冲肚腹作痛或發熱口渴

延胡索 蒲黃各一錢 桂心二分 為末酒調下

○產後寒疝腹痛

良方曰產後臍腹作痛乃冷氣乘虛也用當歸建中湯治之陳無擇云若產當寒月入臍下脹痛手不可近者用羊肉湯治之

生生子曰若驗其無瘀血而果為寒氣所侵蟠葱散亦佳如小水短瀝口渴內熱以龍胆瀉肝湯加青蒿徹其熱從小便出也亦有陽氣下陷者以補中益氣湯加芍藥桂心荔枝核
羊肉湯 產後脾虛寒邪所乘以致腹痛或頭眩

脇臍急痛

精羊肉兩四

當歸

川芎各半兩

生姜

兩一

水十盞煎四盞分四次服

蟠葱散 方見

○產後兩脇脹痛

良方曰此因惡露不盡或肝經血虛或肝經氣滯當分而治之宜與脇痛門參治

一產婦因怒兩脇脹痛吐血甚多發熱惡寒胸腹脹痛乃氣血俱虛用八珍加柴胡丹皮炮姜而血頓止又用十全大補湯而寒熱退此症為非

助脾肺以行氣勢不惟無以施其功而反助其脹耳

經効方 治產後肝經氣滯不平脇肋腹痛或寒熱往來內熱晡熱當歸半錢芍藥炒苦梗炒 枳殼炒各八分 桂心 青木香 柴胡各六分 水煎服

當歸散 治產後陰血虛弱或氣滯血凝以致發熱腹痛或腹脇脹滿以當歸干姜等分每服三錢水煎服

○產後血瘕

良方曰產後瘀血與氣相搏名曰瘕謂其痛而無定處此因風有風冷而輕則否澁重則不通

薛氏曰前症乃寒邪乘客氣血壅滯此因氣病而血病也當補養胃氣調和月經寬緩靜養為善難經云任脉為病男子內結七疝女子為瘕聚然當與瘕聚門參治

治血瘕作痛臍下脹滿或月經不行發熱体倦當歸八分桂心芍藥炒血竭蒲黃炒各六分 延胡索分炒四 為末空心酒調分二次服

葛氏方 治前症桂心為末每服一錢空心酒調

○產後發熱

大全人參湯 治產後諸虛不足發熱盜汗

人參 當歸 等分為末以猪腰子一具去脂
膜切小片子以水三升粳米半合葱白二條煮
米熟取清汁一盞入藥末二錢煎至八分不拘
時溫服

羅氏犀角飲子 治產後亡津液虛損時自汗出
發熱困倦唇口乾燥 犀角 麥冬 白朮

柴胡一兩 枳壳炒 生地 地骨皮 炙甘草

當歸 人參 茯苓 黃芩 黃芪錢

右每服六錢入浮小麥七十粒姜三片水煎服

產後發熱多屬不足虛中有寒丹溪每以乾姜加
入補藥中取效不可不知

○產後虛煩發熱

薛氏曰虛煩發熱乃陽隨陰散氣血俱虛者惡寒
發熱煩躁作渴急用十全大補湯者熱愈甚急
加桂附者作渴面赤宜用當歸補血湯者誤認

為火症投以涼劑禍在反掌至冰先生云大寒
 而甚熱之不熱是無火也熱來復去晝見夜伏
 夜發晝止不時而熱是無火也當治其心如大
 熱而甚寒之不寒是無水也熱動復止倏忽往
 來時動時止是無水也當助其腎故心盛則生
 熱腎盛則生寒腎虛則寒動於中心虛則熱收
 於內又熱不勝寒是無火也寒不勝熱是無水
 也 治法前症無水者六味丸無火者八味丸
 氣血俱虛者八珍湯或十全大補湯

人參當歸湯 治產後虛煩短氣發熱

人參 當歸 麥冬 桂心 生地 各二

大東四枚 粳米一合 淡竹葉二錢 芍藥一錢 水煎服

產後血弱虛煩四物加茯神遠志服之

產後餘血不盡奔心煩悶生藕汁飲一二盞甚効

竹瀝亦佳

竹葉湯 產後短氣欲絕心中煩悶以此補之

竹葉 麥冬 小麥各一升 甘草一兩 生姜二兩

大東十四枚 水一斗煮小麥竹葉至八升去渣納

餘藥煮取三升去渣溫服 虛悸加入參二兩
氣力少加糯米五合

○產後血渴

薛氏曰若出血過多虛火上炎用童子小便或四
物白朮麥冬丹皮若胃氣虛而有熱用竹葉歸
芪湯若血虛發熱用八珍加麥冬五味若血脫
發熱煩躁用當歸補血湯若胃氣虛弱用補中
益氣湯或七味白朮散

七味白朮散 治中氣虛弱津液短少口乾作渴

或因吐瀉所致 人參 白朮 白茯苓

木香 炙甘草 藿香 葛根 各一水煎服

竹葉歸薯湯 治胃氣虛熱口乾作渴惡冷飲食

竹葉 一錢 當歸 一錢 黃芪 二錢 白朮 人參

錢各一 麥冬 七分 炙甘草 五分 水煎服

○產後乍寒乍熱

產後乍寒乍熱由血氣虛損陰陽不和若陰勝則
乍寒陽勝則乍熱宜用增損四物湯若因敗血
不散腹內作痛宜用奪命丹後用增損四物湯

隨病加減陳無擇云敗血流閉諸陰則寒流閉諸陽則熱用大調經散五積散

薛氏謂陽氣不足陰氣上入於陽中而惡寒者用補中益氣湯若因陰氣不足陽氣下陷於陰中而發熱者用六味丸若氣血不足而惡寒發熱者用八珍湯若病後寒熱倦怠者用補中益氣湯若肌熱大渴目赤面紅者用當歸補血湯一產婦惡寒發熱此血氣虛寒用十全大補加炮姜而寒熱愈繼以補中益氣而肢體安

○增損四物湯 人參 當歸 芍藥 炒 川芎

乾姜 炒 各兩 甘草 錢四 每劑五錢姜水煎服

○大調經散 治產後惡露未消寒熱自汗或肚腹

作痛 大芫 炒去皮 兩半 茯神 兩 真琥珀 錢一

為末每服二錢空心濃煎烏荳紫蘇湯調下

○產後瘡疾

郭稽中曰產後乍寒乍熱者多是敗血為害或陰陽不和若槩作瘡疾治之誤矣

陳無擇曰產後寒熱或一二日或二三日一發或

先寒後熱或先熱後寒或寒多熱少或寒少熱多或純寒純熱者皆是瘧疾最難治療可用草果飲生熟飲四獸飲選而用之

薛氏曰此症當以補胃氣為主佐以草果飲之類若胃氣稍充以草果飲為主佐以補胃之劑大抵產後瘧疾因脾胃虛弱飲食停滯或外邪所感或鬱怒傷脾或暑邪所伏審係飲食用六君子加桔梗蒼朮藿香如外邪多而飲少用藿香正氣散如外邪少而飲食多用人參養胃湯勞

後所傷用補中益氣湯氣血虛弱用十全大補加炮姜中氣虛寒用六君加姜桂元氣脫陷急加附子益氣虛則寒血虛則熱胃虛則惡寒胃氣下陷則寒熱交作或吐瀉不食腹痛煩渴發熱譫語或手足逆冷寒戰如慄雖見百症但溫補脾胃其病自退

增損柴胡湯 產後虛熱寒熱如瘧食少腹脹

柴胡 人參 甘草 半夏 陳皮 川芎 白芍 各等分每帖七錢入姜枣水煎



國家圖書館 NATIONAL CENTRAL LIBRARY TAIWAN, R.O.C.

白茯苓散 產後蓐勞頭目四肢疼痛寒熱如瘧

白茯苓一兩 當歸 川芎 桂心 白芍炒

黃芪炒 人參各半 熟地四錢 右先以水三

盞入猪腎一雙姜枣各三煎至二盞入煎藥半

兩再煎至一盞許服之

猪腰子粥 產後蓐勞發熱用猪腰子一枚去膜

切片用鹽酒拌先用粳米一合入葱豉煮粥

醋和將腰子鋪在碗底以熱粥傾盪之如作盒

生狀空心服

黃芪建中湯 產後諸虛不足發熱或惡寒腹痛

黃芪炒 白芍炒 甘草炒 肉桂

每服五錢姜枣水煎日二三服虛甚者須加附子為要

藿香正氣散 治外感風寒內傷飲食頭痛寒熱

或霍亂泄瀉或作瘧疾 藿香一錢 桔梗炒

大腹皮 紫蘇 半夏曲 茯苓 白芷

陳皮 白朮炒 厚朴制 炙甘草五分

加姜枣水煎服

人參當歸散 治去血過多內熱短氣頭痛悶亂

骨節作痛或虛煩咽燥有似瘧者 人參

當歸 生地 桂心 麥冬 白芍酒炒 各等

分粳米一合竹葉十片水三鍾煎二鍾納前藥

五錢束二枚煎至八分服虛甚者用熟地

生生子曰按病机之要云治胎產之病從厥陰經

論之無犯胃氣及上中二焦謂之三禁不可汗

不可下不可利小便發汗者同傷寒下之早証

利大便則脉數而已動於脾利小便則內亡津

液胃中枯燥治之方法能無犯此三禁則營衛

自和而寒熱自釋矣

又有惡露不盡或風邪乘虛陷入血室者則晝日

清明夜則譫語寒熱或只發熱如見鬼狀此為

熱入血室用小柴胡湯加生地丹皮或四物加

柴胡菝葜

○嘔吐腹脹及嘔逆不食

產後腹脹滿悶嘔吐者曰敗血散於脾胃不能運

化而致宜用抵聖湯治之

薛氏謂若飲食停於脾宜用六君厚朴若飲食傷

於胃宜用六君子湯或加砂仁神曲之類入丸損其脾者當節其飲食為善

抵聖湯 赤芍藥 半夏 澤蘭葉 人參

陳皮 炙甘草錢各一 生姜倍兩 水煎極效

胃為水穀之海以養臟府產後胃氣虛弱飲食所傷必致嘔逆不食也治法不過溫養脾胃審其所傷之物而推治之或有陽氣衰微火不生土者八味丸若嘔吐泄瀉手足俱冷或肚腹作痛乃虛寒極矣急用理中湯加附子桂心而魁者

一產婦朝吐痰夜發熱日夜無寐或用清痰降火肌體日瘦飲食日少前症愈甚詎思早吐痰脾氣虛夜發熱肝血虛晝夜無寐脾血耗也遂用六君子加逍遙散歸脾湯以次調補而痊

開胃散 治產後胃虛嘔吐胸滿不食

訶子肉半一兩 人參兩一 炙甘草兩半

每劑五錢姜水煎服

產後胃虛嘔逆 橘紅兩一 半夏 炙甘草兩各半

藿香兩三 每劑五錢姜水煎服

治產後嘔逆不食

白朮

錢五

生姜

錢六

水煎徐溫服

石蓮散

產後胃寒咳逆嘔吐不食或腹作脹

石蓮肉

半一兩

茯苓

一兩

丁香

半兩

為末每二錢姜湯或米飲調下日三次

○錢氏益黃散

脾土虛寒水反來侮以致嘔吐不

食或肚腹作痛或大便不時手足逆冷等証

陳皮

一兩

青皮

訶子肉

炙甘草

丁香

各錢

每服四五錢水煎服

人參養胃湯

治外感風寒內傷飲食寒熱頭痛

或變瘧疾

半夏

厚朴

制

橘紅

各八分

藿香葉

草果

茯苓

人參

各五分

蒼朮

一錢

炙甘草

右姜七片烏梅一箇水煎服

○產後喉中氣急喘促

產後喉中氣急喘促因營血暴竭衛氣無主獨聚

於肺名曰孤陽竅為難治若因敗血停凝服奪

命丹若因營血暴絕服芎藭湯若因風寒所傷

服旋覆花湯因氣鬱結小調經散若傷飲食服

見現丸

薛氏曰若脾胃氣虛用六君桔梗若兼外邪更加紫蘇中氣虛寒補中益氣加炮姜肉桂若陽氣虛脫更加附子若痰血入肺急用二味參蘇飲一產婦喘促自汗手足俱冷常以手護臍腹此陽氣虛脫用參附湯四劑而愈

二味參蘇飲 治產後血入於肺面黑發喘欲死

人參一兩 蘇木二兩 水煎頓服

旋覆花湯 治傷風寒暑濕喘嗽太盛坐卧不安

旋覆花 赤芍藥 半夏曲 前胡 甘草

荆芥穗 五味子 茯苓 麻黃 杏仁

各等分每以五錢姜枣水煎服有汗者勿服

五味子湯 治產後喘促脉伏而厥 五味子炒

人參 杏仁各二錢 麥冬 陳皮各一錢

右姜三片枣二枚水煎服

芎藭湯 芎藭 當歸 白芍分每五錢水煎服

○產後口臭黑鼻衄

產後口臭起黑氣及鼻衄者蓋陽明經脉之海起於鼻交頰中還出頰口交人中左之右之左

此產後氣虛營血散亂胃絕肺敗之症也急取
緋線一條并產婦頂心髮二根緊繫中指節更
無可療

薛氏曰按胃脉俠口繞承漿蓋鼻準屬脾土鼻孔
屬肺金誠胃虛肺損氣脫血死之症急用二味
參蘇飲加附子五錢亦有獲生者

○產後月水不通

產後乳子周歲而經不行是其常也若半歲而經
行此血有餘也若一二歲不行而無疾不必服

藥若肢體倦怠食少內熱是血少也宜健脾胃
若以藥通之則誤矣

薛氏曰脾胃虛弱用六君子若煎鬱火傷脾用歸
脾湯加丹皮山梔若怒火傷血宜四物合小柴
胡氣血俱虛八珍湯加丹皮

○產後四肢浮腫

產後四肢浮腫者乃敗血乘虛流注宜用小調經
散陳無擇云若風邪乘於氣分皮膚腫而浮虛
乃氣也若皮膚腫如熟李乃水也蓋氣腫者宜

發汗水腫者宜利小便

薛氏謂若寒水侮土宜養脾肺若氣虛浮腫宜益脾胃若水氣浮腫宜補中氣仍參水分血分治而一產婦飲食少思服消導之劑四肢浮腫乃中氣不足朝用補中益氣湯夕用六君子而愈後因怒腹脹誤服沉香化氣丸吐瀉不止飲食不進小便不利肚腹四肢浮腫用金櫃加減腎氣丸而愈

小調經散 沒藥 琥珀 桂心 芍藥 當歸

錢各一 為末每服五分姜汁溫酒調

大調經散 最治腫滿喘急煩渴小便不利

方具乍寒乍熱卷

治血虛氣腫水腫 澤蘭葉 防已分 為末每

以二錢溫酒調下或醋湯亦可

金櫃加減腎氣丸 治脾腎虛寒腰重脚腫濕飲

留積小便不利或肚腹脹腫四肢浮腫氣喘痰

甚或已成水症其効如神 白茯苓三 牛膝

附子五 桂心 車前子 山茱萸兩 丹皮



山藥 澤瀉各一兩 熟地黄四兩 為末煉蜜丸梧子大每服七八十丸空心米飲下

○產後腹痛瀉利

產後腹痛瀉利因腸胃虛弱寒邪乘襲或水穀不化洞泄腸鳴或手足逆冷用調中湯治之陳無擇謂若六淫七情而致者當隨所感而治之若胸膈飽脹或惡食吞酸此飲食停滯用六君枳實山查以消導若食既消而仍痛更或頭痛熱渴惡寒欬嘔此中氣被傷用補中益氣半夏

茯苓以益脾胃

調中湯 良姜 當歸 桂心 芍藥 附子 炮

川芎各一兩 甘草炒五錢 每服五錢水煎

五味子散 產後泄瀉或腎泄在五更侵晨作瀉

飲食不進或大便不實登廁無時

五味子炒三兩 吳茱萸炒五錢 共為末每以二錢白

湯調下為丸尤妙

西神丸 治脾腎虛弱侵晨五更作瀉或全不思

食或食而不化大便不實 破紙故炒四兩

肉苳冠

生用 兩

五味子

兩

吳茱萸

炒 兩

為末

用大紅棗四十九枚生薑四兩以水共煮爛去姜以棗肉和藥搗為丸梧子大空心鹽湯下

三神丸

治同即前四神丸減去五味子吳茱萸

○產後赤白痢

產後痢疾因飲食六淫七情傷於脾胃或滲大腸皆為難治者飲食不進謂之虛痢氣字不順謂之氣痢寒熱溫良升降調補各隨所宜而施治之○白屬氣分而赤屬血分也若米食所傷用

六君加穀蘖若麩食所傷加麥蘖若肉食所傷

加山查神曲凡兼嘔吐俱加藿香若兼噯酸或

嘔吐用前藥送越鞠丸若肝木剋脾土用六君

加柴胡炮姜若寒水反來侮土用錢氏益黃散

若久瀉或元氣下陷兼補中益氣湯以升發陽

氣若瀉痢色黃乃脾土真色宜加木香肉苳冠

若屬脾土虛寒六君加木香姜桂若脾腎虛寒

用補中益氣湯及四神丸若下元虛寒用八味

丸以補土母若以小便澀滯肢體漸腫或兼喘

咳用金櫃腎氣丸以補脾腎利水道若胃氣虛弱而四肢浮腫須補胃為主若久而不愈是氣虧損也必用四神丸六味丸八味丸三方以補足三陰若用分利導水之劑是虛其虛也

產後痢疾作渴者乃內亡津液或胃氣虛不生津液但止其渴其痢自瘥○若渴而不喜冷飲屬胃氣虛故無津液宜用七味白朮散或錢氏白朮散如夜間發熱口渴屬腎氣虛而不能潤宜六味丸並佐以益氣湯以滋化源

一產婦瀉痢發熱作渴吐痰肌躰消瘦飲食少思或胸膈痞滿或小腹脹墜年餘矣乃脾腎之瀉朝用二神丸夕用六君子三月餘而痊

一產婦患前症形躰倦怠飲食不進與死為鄰此脾胃俱虛也用四神丸十全大補湯而愈

○產後大便秘澁

產後大便秘澁因腸胃虛弱津液不足若小腹悶脹宜服麻仁丸潤之若用寒藥則促其危矣薛氏曰若計其日期飲食數多即用藥通之禍在

反掌之間必待腹滿覺脹欲去不能者乃結在直腸宜用猪胆汁導而潤之若服苦寒疏通反傷中氣通而不止或成痞症若去血過多宜用十全大補血虛火燥用加味四物氣血兩虛用八珍湯雞數日不通飲食如常腹中如故仍用八珍加杏仁棗仁治之若泥其日期飲食而強通之則誤矣

產婦大便七日不通飲食如常腹中如故此腹未滿也用八珍加杏仁至二十一日腹滿欲

行用猪胆汁潤去而安

一婦大便秘澁諸藥不應苦不可言飲人乳而安

麻仁丸 火麻仁研如泥 枳壳 人參各四分

大黃二分右為末入麻仁煉蜜丸如梧子大每服

二十九空心溫酒下未通漸加不可過服

阿膠枳壳丸 治產後大便秘澁以阿膠枳壳二

味等分為末蜜丸梧子大滑石末為衣白湯送

下二十九末行再服

○產後大小便不通

良方曰此因腸胃虛弱津液枯竭故也宜參前秘結門詳治
一產婦大小便不通諸藥不應將危矣令飲牛乳
一曰稍通三日而痊人乳尤善

菹花散 治膀胱氣滯血澁大小便秘

菹仁 葵子 滑石 楨即 各等分為末每
以三錢空心葱白煎湯調下

○產後遺糞

良方取故燕窠中草燒為末或枯礬牡礪或白斂
芍藥各等分為末俱用酒調服或用固腸亦可

薛氏曰若脾腎虛弱用還少丹仍以補中益氣湯
為主虛寒加肉苳蔻補骨脂或四神丸若脾腎
虛寒兼八味丸仍佐前二方

一產婦小便出糞名大小腸疝乃氣血俱虛失行
常道先用六君子湯二劑又用五苓散一劑而
痊循常腸交亦可做治

還少丹 治脾腎虛寒飲食少思發熱盜汗遺精
白濁又治真氣虧損肌體瘦弱等症 肉苳蔻
遠志去心 茴香 巴戟 山藥 牛膝 熟地



枸杞子 石菖蒲 山茱萸肉 楮寔子
 五味子 杜仲去皮 白茯苓各二 各另為末
 束肉百枚加煉蜜為丸如梧子大每服五七十
 丸空心酒下

○產後諸淋

良方謂乃熱客於脾虛則頻數熱則澀痛氣虛兼
 熱血入胞中則血隨小便出而為血淋也
 薛氏云若膀胱虛熱用六味丸若陰虛而陽無以
 化用滋陰腎氣丸蓋土生金金生水當滋化源

也與小便淋瀝頻數卷叅治

滑石散治熱淋 滑石分五 通草 車前子

葵子各四分 右為細末漿水調服

治小腸有熱小便澀痛或為血淋

藿麥 黃芩 冬葵子各二 通草二 大棗十

右水六升煎二升半分三服

治脾氣不利小便不通

橘紅為末以二錢空心温酒下

治肺氣不利小便不通 杏仁十四 去皮尖炒

治肺氣不利小便不通 杏仁十四 去皮尖炒

治脾轉小便不利 滑石半錢 寒水石錢一 煎服
一產婦小水淋瀝或時自出用分利降火之劑二
年不愈此肺腎氣虛用補中益氣湯六味地黃
丸而痊

凡產婦小便頻數者乃氣虛不能制故也

○小便不禁

廣濟方治產后小便不禁用雞毛燒灰千金翼用
白薇芍藥為末俱用溫酒下日三服或桑螵蛸
半兩龍骨一兩為末每二錢粥飲調下

薛氏謂若脾肺氣虛用補中益氣湯若肝腎陰虛

六味地黃丸若肝腎虛寒用八味丸

補脾飲

治胞破小便淋瀝

生絹黃色者一尺

白牡丹皮用根

白芨各一錢

水一碗煎至絹爛溫

服服後忌言語否則無功

雞內金散

治氣虛溺床用雄雞肚脰并腸燒為

末以溫酒調下

○產後小便出血

此因虛熱血滲於脾也以亂髮洗淨燒為末米飲

調服或滑石末一錢生地黄汁調下

一產婦尿血面黃脇脹少食此肝木乘脾土也用
加味逍遙補中益氣兼服而愈後為懷抱不禁
食少躄倦驚悸無寐便血復出用加味歸脾湯
二十餘劑將愈感于衆論服犀角地黄湯諸症
復作仍守前湯而愈

○產後陰脫玉門不閉

此因坐產努力舉動房勞所致或脫肛陰挺逼道
腫痛小便淋瀝

薛氏謂氣血虛弱宜用十全大補湯若腫脹焮痛

肝經虛熱也加味逍遙散若憂怒肝脾氣血傷

也加味歸脾湯若暴怒肝火血傷也龍胆瀉肝

一產婦玉門不閉發熱惡寒用十全大補湯加五

味子數劑而寒熱退用補中益氣加五味子數

劑而玉門閉矣

硫黃散 產後陔氣虛寒 硫黃 烏賊魚骨

五味子各半 為末抄熟 參患處 一方蛇床子升

炒熟帛包熨患處亦治陰腫

○產後乳少或止

乳汁乃氣血所化者元氣虛弱則乳汁短少初產乳房焮脹此乳未通若暴怒乳出肝經風熱若累產無乳此內亡津液蓋乳汁資於衝任若婦人疾在衝任乳少而色黃生子則怯弱而多疾薛氏云此氣血虛弱而不能化生宜壯脾胃怒動肝胆而乳腫汁出宜清肝火屢產無乳或大便澀滯當滋化源氣血旺則乳汁溢
一產婦因乳少服藥通之致乳房腫脹發熱作渴

此氣血虛以玉露散補之而愈

湧泉散

能通乳

王不留行

麥門冬

瞿麥

龍骨

各二錢

右用猪蹄汁一碗酒一杯煎服良

又以木梳于乳房上梳下忌姜椒辛辣

玉露散

乳脉不通身熱頭目昏痛大便澀

滯

人參

茯苓

桔梗

炒芍藥

各一錢

甘草

各二分

右咬咀水煎服愈

凡未產而乳先出謂之乳洩生子多不育

產婦氣血方盛乳房作脹或無兒飲因而脹痛增

寒發熱用麥芽二三兩炒熟水煎服之立消
一產婦勞役或乳汁來如湧泉昏昧吐痰此陽氣
虛而厥也灌以獨參湯而甦更以十全大補湯
數劑而安矣

一婦乳頭裂破以秋茄子裂開者陰乾燒存性為
末水調塗之而愈

○婦人繭唇

內經曰脾氣開於口又曰脾之榮在唇蓋燥則乾
熱則裂風則瞶寒則揭若腫起白皮皴裂如蚕

繭名曰繭唇有腫重出如繭者有本細末大如
繭如瘤者其因或胎產經行而陰血損或七情
動火而榮血虧或心火傳授脾絡或厚味積熱
傷脾大要審本症察兼症補腎水生脾血則燥
自潤火自除風自息腫自消若患者忽略治者
不察內用清熱消毒之藥外用追蝕線結之法
反為敗症慎哉

一婦懷抱久鬱或時胃中嘈辣胸膈不利月水不
調晡熱食少身倦唇腫已年餘矣此脾經鬱火

傷血用滯脾湯加姜汁炒黃連山梔少佐吳茱萸
黃芩辣頓去飲食少進乃去黃連加貝母遠志
胸膈通利飲食如常又用加味逍遙散滯脾湯
間服百餘劑月水調而唇瘡愈

一婦月經不調兩足發熱至年餘而身亦熱勞則
足腿痠疼又年餘唇腫裂痛又半年唇裂出血
形躄瘦倦飲食無味月水不通唇下腫如黑棗
此肝脾血虛火症也彼不信用通經藥而致
一婦口苦脇脹此肝火之症也用小柴胡加山梔

黃連少愈更以四君子加芍藥當歸柴胡調補
脾胃而瘥

一婦每怒口苦發熱晡熱此肝火盛而血傷也以
小柴胡合四物二劑以清火而生血更以四物
加柴胡白朮茯苓丹皮生血健脾而安
一婦因怒齒痛寒熱作嘔用清胃等藥甚乃肝
火傷胃寒涼復傷故也用六君子加芍藥柴胡
山梔而安

一婦胃中嘈辣甚則熱痛後患齒痛此胃中痰火

也以二陳加芩連吞越鞠丸而瘳
一婦因怒牙疼寒熱此肝火侮脾土用小柴胡加
芎歸苓朮山梔而疼痛止用加味逍遙散而寒
熱退

清胃散

治醇酒厚味唇齒作痛或齒齦潰爛或

連頭面頸項作痛

黃連錢半 川歸 生地

丹皮錢各一 升麻錢二

右水煎服如寔熱便秘加

木黃

加味清胃散

即前方加犀角甘草連翹

涼膈散

治積熱煩渴面赤內熱頭昏咽痛便溺

赤澁狂言譫語睡卧不安

大黃 朴硝錢各一

甘草錢一 連翹錢二 梔子

黃芩 薄荷錢各 水煎服

補黃散

治脾胃虛熱口舌生瘡畏冷飲食

人參 白朮錢各一 炒

白芍 炒 陳皮 甘草錢各

右姜棗水煎服

四順清涼飲 加山梔大力子名 加味清涼飲

治臟腑寔熱秘結口舌生瘡 當歸 赤芍

甘草 大黃錢各一 右水煎服

人參安胃散 治服峻劑損脾胃口舌生瘡

人參 茯苓 黃耆 生甘草

炙甘草 黃連 白芍 水煎服

温中丸 一名人參理中丸 治中氣虛熱口舌

生瘡不喜飲冷肢躄倦怠少思飲食

人參 炙甘草 白朮 為末姜汁糊為

丸梧子大每服五十九白湯送下

柳華散 治熱毒口瘡

黃栢 蒲黃 青黛 人中白 煨

右等分為細末敷之

四物湯 治血熱口舌生瘡或牙齦腫潰發熱煩

躁不安

加味四物湯 即四物加丹皮柴胡山梔


四物二連湯 治血熱口舌生瘡或夜發寒熱

當歸 熟地 白芍 川芎 胡黃連

川連 水煎服之

甘桔湯 治咽喉腫痛 甘草 苦梗

右水煎服



國家圖書館, NATIONAL CENTRAL LIBRARY, TAIWAN, R.O.C.

大宮詹少溪吳馭閱校

終

赤水玄珠婦人門第二十九卷目錄

耳

雜方

結核方論


赤白遯風

婦人瘰癧

鶴膝風

婦人足跟瘡腫

肺癰



乳癭乳岩

方脈論

十一卷

Blank columns for text.

終

婦人全書卷之五

國家圖書館, NATIONAL CENTRAL LIBRARY, TAIWAN, R.O.C.

新安生生子孫一奎著輯

○耳

立齋曰耳瘡屬手少陽三焦及足厥陰肝經血虛風熱或怒動肝火而致若發熱焮痛屬三焦厥陰風熱用柴胡清肝散若寒熱作痛或作嘔吐乃肝火傷脾用益脾清肝散若口乾足熱為肝腎陰虛用益陰腎氣丸若月經先期為血熱用加味道遙散過期為血虛用小珍湯食少躄倦

婦人全書

五卷

為鬱火加味歸脾湯惡寒發熱肢體倦怠為氣血俱虛用十全大補湯慎不可專治其外復傷氣血也

一婦耳內外腫痛胸膈不利寒熱往來小便不調此肝火傷血先用龍胆瀉肝湯四劑諸症頓退又用加味道遙散而痊又因怒復作用柴胡而安

一寡婦耳內外作痛不時寒熱脈上魚際此血盛之症用小柴胡加生地以抑其血而愈又項間

結核如貫珠寒熱晡熱用加味歸脾湯加味道遙散調補肝脾而愈

一女子耳下腫赤寒熱口苦月經不調小腹內結一塊此肝火氣滯而血凝也先用小柴胡加山梔川芎丹皮又用柴胡清肝散而痊

小柴胡湯 治肝胆經症寒熱往來晡熱潮熱身熱默默不欲飲食或怒火口苦耳聾咳嗽發熱脇下作痛甚者轉側不便兩脇痞悶或瀉痢咳嗽或吐酸食者水皆用此藥主之

柴胡 二錢 黃芩 錢炒 一人參 半夏 各七分
炙甘草 五分 姜 三片 水煎服

加味小柴胡湯 治肝胆經風熱前後腫痛或

結核焮痛或寒熱晡熱或經候不調等症

即前小柴胡湯加山梔丹皮

益脾清肝散 治肝經之症寒熱躄痛脾胃虛

弱 人參 白朮 炒 茯苓 各一錢

炙甘草 柴胡 各五分 川芎 川歸

黃耆 各一錢 丹皮 七分 水煎服

梔子清肝散 治三焦及肝胆經風熱耳內作

痒或生瘡出水或脇肋胸乳作痛寒熱徃來

柴胡 山梔 炒 丹皮 各一錢 茯苓 川芎

芍藥 當歸 牛旁子 炒 各七分 白朮 炒

甘草 各五分 水煎服

柴胡清肝散 治肝胆三焦風熱怒火以致項

胸作痛或頭目不清或耳前後腫痛或寒熱躄

痛 柴胡 黃芩 炒 甘草 各五分 人參

山梔 炒 川芎 各一錢 連翹 桔梗 各一分 水煎服

犀角地黄湯

血妄行或吐衄或下血

治上焦有熱口舌生瘡發熱或

犀角 生地

白芍藥

黃芩炒

牡丹皮 黃連

炒各一錢

水煎服

因怒而患者

加柴胡山梔

犀角升麻湯

治陽明經風熱牙疼或唇頰腫痛或手足少呎經風熱連耳作痛

犀角 升麻

防風

羌活各一錢

白附子五分 川芎

白芷

黃芩炒各七分

甘草五分

水煎服

當歸川芎散

治手足少陽經血虛瘡症或風熱耳內疼痛生瘡出水或頭目不清寒熱少食或經水不調胸膈不利腹脇痞痛小便不調

當歸 川芎

柴胡

白木炒

芍藥

炒各一錢

山梔炒一錢二分

丹皮

茯苓各八分

蔓荆子

甘草各五分

水煎服

○雜方

加味地黃丸

治肝腎陰虛諸症或耳內疼痛

出永或眼昏痰喘或熱渴便澁等症

乾山藥 山茱萸 牡丹皮 澤瀉 柴胡

白茯苓 熟地黄 生地 五味子各等分

右將煉蜜為丸梧子大每服百丸空心白湯

下如不應加減八味丸

人參養榮湯

治潰瘍寒熱四肢倦怠身瘦少

食面黃氣短不能收斂木瘡愈後多服之庶不

變他症也

白芍藥一分 人參 陳皮 黃耆炒

桂心 川歸 白朮炒 炙甘草各一分

熟地 五味炒 茯苓各七分 遠志去心炒

入姜棗永煎服

瀉青丸 治肝經實火脇乳作痛或惡寒發熱

大便秘結

川歸 龍胆草炒焦 川芎 山梔炒 大黃

羌活 防風各等

右為末蜜丸梧子大每服三四丸白湯下○若

陰血不足肝火血燥用四物加山梔柴胡或逍



遙散加丹皮山梔○若腎水虧損不能生肝木而筋牽結核或肢節牽搐或似中風涎痰上湧用六味丸料煎服

生地黄凡 治師尼寡婦室女乍寒乍熱或頸間結核肝脉弦長直出魚際

生地 秦艽 黃芩 硬柴胡各五分

赤芍藥一兩 右煉蜜為丸梧子大每服三十

丸烏梅湯下

連翹飲子 治肝胆經氣滯癩癧結核或乳內

結核者 連翹 川芎 瓜蒌仁

橘葉 皂角刺炒 青皮 甘草節

桃仁各一錢 水煎服

散腫潰堅湯 治癰癧堅硬氣血無虧者

升麻 連翹 川芎尾 白芍

葛根 三稜酒拌炒 廣木各三分 龍胆草

桔梗炒 昆布 知母酒炒 瓜蒌仁各五分

柴胡四分 黃芩酒炒五分 炙甘草二分

右水煎服

必効散

治瘰癧未成者消已潰者斂須元氣無虧者可服孕婦勿服

南蓬砂二錢

輕粉一錢

斑猫四十枚去頭足同槩米炒

去米

射香五分

巴豆五粒去心膜

白楨榔一枚

右為末每服一錢五更用滾湯調下如小水

瀋滯或微疼以癰毒飲下也進益元散一服

即下此方班猫巴豆似為峻房然用巴豆

乃解斑猫巴豆用者勿畏也

益元散

滑石飛六錢

甘草

各為末每服一二錢白湯調下

琥珀膏

治頭項或腋下初結小核漸如連珠潰而膿水不絕或漏症者

琥珀一兩

丁香

桂心

硃砂

木香

松香俱為末

白芷

防風

當歸

木通

木别子肉各五錢

麻油二斤

將后五味入油煎熬蒸焦瀘去渣徐徐入黃丹

再熬軟硬得所入前末藥即成膏矣

針頭散

治一切頑瘡內有瘰肉或癰核不化

瘡口不合宜以藥腐之

赤石脂五錢

乳香

白丁香

砒霜

生用

黃丹各一錢

輕粉

射香各五錢

蜈蚣

一條

為末搽瘡肉上其肉自化若瘡口小用糊和

作細条陰乾紐之凡瘡久不合者內有膿管

必須用之

○結核方論

婦人結核皆因鬱怒虧損肝脾或因胎產經行失於調護或因暴怒觸動肝火若結於項側耳前

後或胸脇腫痛或發寒熱屬胆經風熱怒火宜用柴胡清肝散加釣藤山梔以養血氣清肝火若結于肉理其色不變晡熱內熱屬肝火血虛宜加味道遙散加龍胆草以養肝血清肝火或結于肢節或累如貫珠其色不變亦肝火血燥而筋挛宜用柴芍參苓散加釣藤以養血氣佐以六味丸以生腎水若時消時作此氣滯而痰結也用歸脾六君二湯以調和脾肺之氣並佐以海藻昆布潰而核不腐或肉不生或膿水

清稀肌寒肉冷自汗盜汗寒熱內熱面色痿黃
食少躄倦便利不調者五臟皆虛也但用補中
益氣加味六君子二湯調補脾胃以滋諸臟則
各症自退故經云形傷則痛氣傷則腫慎不可
輕用行氣破血而復傷也

一婦項結核寒熱頭痛脇脹乳痛內熱口苦小便
頻數屬肝火血虛用加味四物而愈又用加味
逍遙散調補肝脾而安

一婦耳內耳後項側結核作痛寒熱口苦月經不

調以肝胆經火而傷脾胃也用四君柴胡丹皮
及六味丸而愈

一婦項患五核時常寒熱肝脉弦長而出寸口此
血盛無偶之症也用小柴胡湯加生地烏梅而
愈

加味逍遙散

治肝脾血虛有熱遍身搔痒或

口燥咽乾發熱盜汗食少嗜卧小便澀滯等症
又治瘰癧流注虛熱等瘡

炙甘草

當歸炒

芍藥酒炒

茯苓

白木炒各一錢 柴胡 牡丹皮 山桅炒五分
 水煎服

逍遙散 即前方減丹皮山桅

歸脾湯 治脾經失血少寐發熱盜汗或思慮

傷脾不能攝血以致妄行或健忘怔忡驚悸不

寐或心脾傷痛嗜食少食或憂思傷脾血虛發

熱或肢躄作痛大便不調或經候不准補執內

熱或瘰癧流注不能消散潰斂

人參 白木炒 黃耆炒 茯苓 當歸

遠志 酸棗仁炒各一錢 木香 炙甘草各五分

龍眼肉三枚 姜棗水煎服

加味歸脾湯 即前方加山桅柴胡

柴朮參苓湯 治肝火血熱遍身搔痒或起赤

暈或筋牽結核

白朮 人參 茯苓各一錢 柴胡 川芎

山桅炒 芍藥炒 甘草炒各五分 熟地 當歸

各八分 水煎服

柴芍參苓散 治肝胆經部分結核瘰癧瘡癩

等症或肝血燥脾氣虛弱發熱少食

柴胡 芍藥炒 人參 茯苓 白木炒

山梔炒 陳皮 當歸各一錢 丹皮 甘草

各五分 姜枣水煎服

清肝益榮湯 治肝胆經風熱血燥筋掣結核

或作癩子 柴胡 薏苡仁 茯苓

木瓜 熟地各一錢 山梔 龍胆草

白木炒各五分 川芎 川歸 芍藥炒各

甘草三分 水煎服

清熱涼血飲 治風熱血燥丹毒等症大便秘

結入少 當歸 川芎 大黃炒 芍藥炒

生地各一錢 水煎服

神効開核散 消瘰塊甚効

沉香 木香各二錢 橘紅 珍珠四十九粒入罐

封固煨 赤存性出火毒 猪鬃子四十九枚豚猪生

為末每服一錢臨卧酒調徐徐嚥下輕者三

五服重者十服可愈切忌酸鹹油膩滯氣之

物須用除白于靜室修合

海藻散堅丸

治肝經癭癧

海藻

昆布各二兩

小麦

四兩醋

柴胡

二兩

龍胆

酒拌炒

為末

蜜丸

梧子

大每服三十

丸臨卧

白湯送下

噉化

之尤妙

○凡患瘰

癧服調治之藥未應宜佐以前二藥

瘰癧服調治之藥未應宜佐以前二藥

益氣養榮湯

懷抱抑鬱癭癧流注或四肢患

腫肉色不變或日晡發熱或潰而不斂

人參

茯苓

陳皮

貝母

香附

川芎

川芎

黃耆

鹽水炒熟地

芍藥

一炒各

錢炙甘草

桔梗

五分

白朮

炒二

入姜水煎服

木香餅

治氣滯結腫閉胸風寒所傷作痛

木香

為末

生地一兩

搗地黃膏和勻

量患

大小

作餅子置患處以熱熨斗熨之腫痛悉

退

退

當歸飲

治熱血癭疹痒痛膿水淋漓發熱等

症

當歸

白芍藥

川芎

生地

白芍藥

黃耆各一

防風

荆芥

何首

烏忌鉄

甘草各五分

水煎服

○赤白遊風

婦人赤白遊風屬肝經鬱火血燥生風或脾經鬱結血虛生熱或腠理不密風邪外襲其症或疥瘡癢痒或膿水淋漓白屬氣而赤屬血因得風而遊行也若肝經血燥用柴胡清肝散肝經怒火用梔子清肝散肝經血熱用加味四物湯肝火血虛六味丸脾經鬱熱加味歸脾湯肝脾血虛風熱加味逍遙散若因風邪鬱熱所致用荆

防敗毒散或專用祛風之劑肝血愈燥則血隨火化反為敗症矣

一婦身如丹毒搔破膿水淋漓熱渴頭暈時益甚用加味逍遙散而愈

一女赤暈如霞作痒發熱用加味小柴胡加生地連翹丹皮而愈○大凡女子天癸未至婦人月經不調受驚着惱多有此症

消風散 治風寒癢疹痒痛或膿水淋漓頭皮腫痒 荆芥穗 炙甘草 陳皮